



Broj: 01/14-11-8063-5/23
Sarajevo, 26.01.2024. godine

Na osnovu člana 70. stav (1) Zakona o javnim nabavkama BiH ("Službeni glasnik BiH", broj: 39/14 i 59/22), a u vezi sa članom 79. Statuta Grada Sarajeva ("Službene novine Kantona Sarajevo", broj 7/23), gradonačelnica Grada Sarajeva, donosi

O D L U K U
o izboru najpovoljnijeg ponuđača putem Otvorenog postupka

I

Prihvata se ponuda ponuđača GREEN SERVIS d.o.o. Sarajevo, ul. Petrakijina br. 24, Sarajevo, Stari Grad, za: "Uslugu sadnje cvijeća u žardinjere, postavljanje žardinjera sa cvijećem na 8 mostova i balkon Vijećnice, održavanje i zalijevanje" sa ponuđenom cijenom od 49.974,00 KM bez PDV-a, u postupku provođenja javne nabavke putem Otvorenog postupka.

II

Sa ponuđačem GREEN SERVIS d.o.o. Sarajevo, ul. Petrakijina br. 24, Sarajevo, Stari Grad, zaključit će se Ugovor o pružanju usluge iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/14-11-8063-2/23 od 29.12.2023. godine pokrenut je postupak javne nabavke za: „Uslugu sadnje cvijeća u žardinjere, postavljanje žardinjera sa cvijećem na 8 mostova i balkon Vijećnice, održavanje i zalijevanje”, putem Otvorenog postupka.

Obavještenje o nabavci objavljeno je na portalu Agencije za javne nabavke broj: 1278-1-2-1-3-1/24 dana 04.01.2024. godine. Sa portala Agencije za javne nabavke tendersku dokumentaciju je preuzelo 9 ponuđača, a sažetak obavještenja o nabavci objavljen je u Službenom glasniku BiH broj: 3/24 od 12.01.2024. godine.

U određenom roku za dostavljanje ponuda na protokol ugovornog organa zaprimljena je jedna ponuda i to: GREEN SERVIS d.o.o. Sarajevo, ul. Petrakijina br. 24, Sarajevo, Stari Grad.

Komisija za javnu nabavku imenovana Rješenjem Gradonačelnice broj: 01/14-11-653/24 od 19.01.2024. godine, na sastanku održanom dana 25.01.2024. godine pristupila je otvaranju zaprimljene ponude.

Nakon otvaranja ponude, izvršena je detaljna analiza iste, gdje je utvrđeno da je ponuđač GREEN SERVIS d.o.o. Sarajevo, ul. Petrakijina br. 24, Sarajevo, Stari Grad, dostavio ponudu u skladu sa zahtjevima ugovornog organa, odnosno u skladu sa tenderskom dokumentacijom, te da cijena prispjele ponude iznosi: 49.974,00 KM bez PDV-a, odnosno 58.469,58 KM sa uključenim PDV-om.



Obavještenjem o nabavci kao i tenderskom dokumentacijom u ovom postupku javne nabavke, ugovorni organ je predvidio provođenje e-aukcije putem portala Agencije za javnu nabavku, međutim uzimajući u obzir da je zaprimljena samo jedna ponuda e-aukcija se nije ni provodila. Komisija za javnu nabavku sačinila je zapisnik o pregledu i ocjeni ponuda od 26.01.2024. godine, te je dala preporuku gradonačelnici da se ugovor za: “Uslugu sadnje cvijeća u žardinjere, postavljanje žardinjera sa cvijećem na 8 mostova i balkon Vijećnice, održavanje i zalijevanje” dodijeli ponuđaču GREEN SERVIS d.o.o. Sarajevo, ul. Petrakijina br. 24, Sarajevo, Stari Grad, koji je jedini dostavio prihvatljivu ponudu sa ponuđenom cijenom od 49.974,00 KM bez PDV-a, odnosno 58.469,58 KM sa uključenim PDV-om.

Izabrani ponuđač je u obavezi da ugovornom organu dostavi u roku od 5 (pet) dana, od dana obavještenja da je izabran kao najpovoljniji ponuđač, ostalu dokumentaciju koja je propisana tenderskom dokumentacijom.

U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije Gradonačelnica Grada Sarajeva donosi ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 10 (deset) dana od prijema obavijesti (odluke) o izboru najpovoljnijeg ponuđača izjaviti žalbu Uredu za razmatranje žalbi putem ugovornog organa u dovoljnom broju primjeraka.

Gradonačelnica Grada Sarajeva

Prof. dr. Benjamina Karić

Dostaviti:

- ponuđaču
- a/a

